



Uunga siunnersuut: Sanaartorneq pillugu Inatsisartut inatsisaata allangortinneqarnera, najukkat pillugit Inatsisartut inatsisaata allangortinneqarnera kiisalu Grønlands tekniske Organisationi pillugu Inatsisartut peqqussutaata allangortinneqarnera pillugu Inatsisartut inatsisaat (Sanaartukkani piusuni nukimmik sipaarniarluni aaqqissuussinerit kiisalu nuna tamakkerlugu Illuutit Inissiallu nalunaarsuiffiannik BBR-imik pilersitsinissamut Naalakkersuisunut piginnaatitsissut)

(Ineqarnermut Attaveqaasersuutinullu Naalakkersuisoq)

(Siullermeerneqarnera)

Demokraatit isumaqarput, uani siunnersuut pineqartoq silatusaartuusoq.

Isumaqatigaarput, pingaartuusoq, uagut inuiaqatigiittut nukissiornikkut siuarsaanissaq ukkatarissagipput. Tamanna isumaqarpoq, illuliat pioreersut nutartissatillugit, aaqqissuutissatillugit aserfallatsaaliussatillugiluunnit tamanna ukkatarineqartassasoq.

Nukissiornikkut siuarsaneq tunngavimmigut silap pissusaanut, inuiaqatigiinnut innuttaasunullu ataasiakkaanut iluaqutissatut ingerlanneqassaaq. Taamaattumillu nuannaarutigaarput, aalajangiunneqarmat, nukinnik sipaarutissanik suliniuteqarneq aatsaat ingerlanneqartassasoq, nukinnik atuinermi sipaartoqarsinnaappat, aningaasaliissutit naammattumik annertussusaannut sanillersuunneqarsinnaappat. Tamanna aalajangigaaq pingaartuuvoq, tapersigarput.

Aammattaaq isumaqatigaarput, nuna tamakkerlugu illuutit- inissiallu digitaliusumik nalunaarsorneqartalernissaat. Silatusaarneruvoq, nalunaarsukkat taama ittut assigiissaarneqarlutillu aajuminartuutinnissaat, soorlu assersuutigalugu pisortani sulianik suliarinnittarnermut pisariillisaatit.

Akuersaarnarportaaq, nalilerneqarmat, siunnersuut atuutilersinnissaalu innuttaasunut, inuussutissarsiortunut pisortallu ingerlataanut aningaasatigut allaffissornikkullu kinguneqassanngitsoq.

Demokraatit siunnersuut taperserpaat Sanaartornermullu ataatsimiititaliami suliareqqinneqarnissaa innersuussutigalugu.